


De brilleglasstokkies

een verhael uut:



*Veur groep drie en vier
mit verwarkingsmateriaol*

De brilleglasstokkies

De keboolterties Pim en Pamme lopen in de Hollebomebos.

Pim dreegt een jutezak.

Ze bin op weg naor een grotemeenskebrille.

Die brille zaggen ze liggen onder de baank bi'j et bosmeertien.

As ze bi'j de brille binnen schoeven ze die in de jutezak.

Dan slepen ze de zak mit de brille, tussen heur in, naor et keboolterhuus.

Op et straotien houwt Pim mit Heit zien grote biele de brille in de zak an gruzelementen.

Pamme legt een koppeltien kraanten op de grond.

Op die kraanten schudden ze de jutezak leeg.

'Et mooiste stokkien brilleglas is veur Pake Krummel, hen?' stelt Pim veur.

Nao een posien zuken hebben ze allebeide een stokkien glas uutkeuzen.

'Welk stokkien geven we now an Pake?' vragt Pamme.

'Dat van jow of mienend?'

'Gewoon beide stokkies,' vint Pim. 'Het Pake iene op reserve. Toch?'

'Goed idee, Pim! Kom! Gauw naor Pake!' zegt Pamme.

Pake Krummel zit in zien ooldemannegiesstoel. Veur et raem.

De 'Hollebomeboskraante' ligt op zien schoot.

Pake zicht wat bewegen. Veur 't raem langes.

'Wie mag dat now wezen,' mompelt hi'j.



Wat laeter heurt hi'j de deure eupengaon en 'Dag Pake Krummel' zeggen.

'Kienderties toch! Kommen jim d'r an? Wat mooi, ja.'

'Zat Pake de kraante te lezen?' vragt Pim.

'Ja kiend, zo goed en zo kwaod as dat gaot, hen.

Jim oolde pake begint wat mit de ogen te sokkelen,' antwoordt Pake Krummel.

'Misschien dat dit Pake helpen kan bi'j 't lezen,' zegt Pamme. Hi'j gefit de oolde keboolter een stokkien brilleglas.

‘Wat ja een mooi stokkien glas, jonges!’ zegt Pake.
‘Daor zal ik vast vaeke naor kieken.’
‘Daor moet Pake niet náór kieken! Daor moet Pake déúr kieken!’ zegt Pamme.
‘En dan moet Pake de kraante onder dat stokkien glas holen. Dat dot Pake Krummel.
Dan ropt hi’j verbaosd: ‘Wat zuwwe now kriegen!
Is dit toverglas? Ik kan zonder muuite lezen wat d’r staot.
“Morgen schijnt de zon en blijft het droog”!’
Straolende van bliedschop lest Pake had-op veerder.

Mar de keboolterties heuren dat niet meer.
Die bin op ’e t’jen et Krummelhuus uutlopen.
‘Pamme,’ begint Pim zo gauw as ze buten binnen.
‘Zullen wi’j alle Hollebomebossers die niet meer goed zien kunnen een stokkien brilleglas brengen?’
‘Goed idee! Wi’j hebben nog genoeg!’antwoordt PIM.

Vrolik zingende huppelen de keboolterbruurties weeromme naor heur keboolterhuus.

(Uut: De Hollebomebos, Herma Stroetinga en Trudy Kramer, 2007)

Tien vragen

1. Wie is Pake Krummel?
2. Wat kan Pake Krummel beter: horen of zien?
3. Pim en Pamme vinden in het bos een oplossing voor Pake zijn probleem. Wat vinden ze precies?
4. Past zo'n bril wel op de neus van een kabouter?
5. Waarmee slaan ze de glazen van de bril stuk?
6. Hoe heet de krant die Pake nu weer kan lezen?
7. Wat leest Pake in die krant?
8. Hoe heet het huis van Pake Krummel?
9. En hoe heet het bos van de kabouters?
10. Pim en Pamme zijn heel tevreden met hun goeie daad. Wat gaan ze daarom doen?

Opdracht

Maak een tekening van Pake Krummel met zijn nieuwe bril op.

Deze lesbrief werd samengesteld door Sietske Bloemhoff, Stellingwarver Schrieversronte, (info@stellingwarfs.nl / www.stellingwarver-schrieversronte.nl)